

欽定後漢書

卷之九
二十九

後漢書卷九十上

宋 宣 城 太 守 范曄撰

唐 章 懷 太 子 賢注

馬融列傳第五十上

馬融傳

馬融字季長扶風茂陵人也

融集云茂陵成懽里人也

將作大匠嚴

之子

嚴援兄余之子

爲人美辭貌有俊才初京兆摯恂以儒術

教授隱于南山不應徵聘名重關西

三輔決錄注曰恂字季直好學善屬

文隱於南山之陰

融從其遊學博通經籍恂奇融才以女妻之

永初二年大將軍鄧騭聞融名召爲舍人非其好也遂

不應命客於涼州武都漢陽界中會羌虜颺起邊方擾

亂米穀踴貴自關以西道殣相望

左傳曰叔向云道殣相望杜注云餓死爲

殣也音覲

融旣飢困乃悔而歎息謂其友人曰古人有言左

手據天下之圖右手刎其喉愚夫不爲

莊子曰言不以名害其生者

所以然者生貴於天下也今以曲俗咫尺之差滅無貲

之軀殆非老莊所謂也故往應騰召四年拜爲校書郎

中

謝承及續漢書並云爲校書郎又拜郎中也

詣東觀典校祕書是時鄧太

后臨朝騰兄弟輔政而俗儒世士以爲文德可興武功

宜廢遂寢蒐狩之禮息戰陳之法故猾賊從橫乘此無

備融乃感激以爲文武之道聖賢不墜五才之用無或

可廢

五才金木水火土也左傳曰宋子罕曰天生五材人並用之廢一不可誰能去兵也

元初二

年上廣成頌以諷諫其辭曰

廣成苑在今汝州梁縣西

臣聞孔子曰

奢則不遜儉則固奢儉之中以禮爲界

界猶限也

是以蟋蟀

山樞之人並刺國君諷以太康馳驅之節

詩國風序曰蟋蟀刺晉僖

公也儉不中禮其詩曰無已太康職思其居毛萇注云

已甚也鄭箋云君雖當自樂亦無甚太樂欲其用禮以

爲節也又序曰山有樞刺晉昭公也有才不能用其詩

曰子有車馬弗馳弗驅宛其死矣他人是愉言僖公以

太康貽戒昭公以不能馳驅被譏言文武之道須折衷

也樞音謳○劉攽曰註有才不能用案文才當作財

夫樂而不荒憂而不困

左傳曰吳季札聘於魯魯爲之歌頌季札曰樂而不荒爲之歌

衛曰憂而不困

先王所以平和府藏顧養精神致之無疆

韓詩外傳

曰人有五藏六府何謂五藏精藏於腎神藏於心魂藏於肝魄藏於肺志藏於脾此之謂五藏也何謂六府喉

咽者量腸之府也胃者五穀之府也大腸者轉輸之府也小腸者受成之府也膽者積精之府也旁光者湊液之府也詩曰天生蒸民有物有則故憂擊鳴球載於虞謨吉日車攻序

於周詩

憂敵也音古八反形如伏獸背上有二十七刻以木長尺禱之所以止樂擊祝也象桶中有椎

柄連底搖之所以作樂見三禮圖球玉磬也虞謨舜典也詩小雅曰吉日維戊旣伯旣禱田車旣好四牡孔阜又曰我車旣攻我馬旣同聖主賢君以增盛美豈徒爲奢淫而已哉

伏見元年已來遭值厄運

元年謂安帝卽位年也厄運謂地震大水雨雹之類陸

下戒懼災異躬自菲薄荒棄禁苑廢弛樂懸勤憂潛思十有餘年以過禮數重以皇太后體唐堯親九族篤睦之德陛下履有虞烝烝之孝外舍諸家每有憂疾聖恩普勞遣使交錯稀有曠絕時時寧息又無以自娛樂殆

非所以逢迎太和裨助萬福也臣愚以爲雖尚頗有蝗蟲今年五月以來雨露時澍祥應將至方涉冬節農事間隙宜幸廣成覽原隰觀宿麥勸收藏因講武校獵使寮庶百姓復覩羽旄之美聞鐘鼓之音歡欣喜樂鼓舞

疆畔

孟子對齊宣王曰今王頗鼓樂樂於此百姓聞王鐘鼓之聲舉欣欣然有喜色而相告曰吾王庶幾無

疾病歟何以能鼓樂也今王田獵於此百姓見羽旄之美欣欣有喜色而相告曰吾王庶幾無疾病歟何以能田獵也此無佗與人同樂也○劉攽

日注今王頗鼓樂案文多一頗字

以迎和氣招致休

慶小臣螻蟻不勝區區職在書籍謹依舊文重述蒐狩之義作頌一篇并封上淺陋鄙薄不足觀省臣聞昔命師於韃囊偃伯於靈臺或人嘉而稱焉

韃以藏箭囊以藏弓韃音紀言

反囊音高禮記孔子曰武王剋殷倒載干戈包以獸皮
名之曰建囊鄭注云建讀爲鍵音其蹇反謂藏閉之也
此馬鄭異議司馬法曰古者武軍三年不興則凱樂凱
歌偃伯靈臺答人之勞告不興也偃休也伯謂師節也
靈臺望氣之臺也 彼固未識夫雷霆之爲天常金革之作昏明

也

左傳鄭子太叔曰爲刑罰威獄以類天之震耀殺戮
杜預注曰雷霆震耀天之威也聖人作刑獄以象類

之又宋子罕曰兵之設久矣所以威不軌而昭文德也
聖人以興亂人以廢廢興存亡昏明之術皆兵之由也

自黃炎之前傳道罔記三五以來越可略聞且區區之

鄠郊猶廓七十里之囿盛春秋之苗

鄠周文王所都孟子曰文王之囿方

七十里爾雅曰春獵爲蒐
夏曰苗秋曰獮冬曰狩

詩詠囿草樂奏騶虞

韓詩曰東有囿

草駕言行狩毛詩曰彼茁者葭一發五豝于嗟乎騶虞
毛萇注云騶虞義獸也白虎黑文不食生物有至信之
德則應之周禮大司馬則奏騶虞 是以大漢之初基也宅茲天邑揔

風雨之會交陰陽之和

周禮曰風雨之所會也陰陽之所和也乃建王國焉天邑謂洛

陽也揆厥靈囿營于南郊

揆度也詩大雅曰王在靈囿言作廣成苑以比之

徒觀

其堦場區宇恢胎曠蕩蘋蘩勿罔寥豁鬱決

音鳥朗反

並廣大貌

騁望千里天與地莽於是周法環瀆右轡三塗左

概嵩嶽

法音欺於反上林賦曰江河爲法郭璞注曰因山谷遮禽獸曰法爾雅曰瞻視也音馬板反三

塗山名在陸渾縣西南

面據衡陰箕背王屋浸以波澹黃以榮洛

衡陰衡山之北山海經曰雒山澧水出焉東曰衡山多青腹地里志云雒縣衡山澧水所出在今鄧州向城縣

北王屋山在今王屋縣北周禮曰豫州其浸波澹其川榮洛水經注云澧水出黃山在今隨州棗陽縣東北又

云波水出歇馬嶺卽應劭所謂孤山波水所出者今在汝州魯山西北榮水在榮陽縣東是也

金山石

林殷起乎其中峨峨磴磴鏘鏘唯唯隆穹槃回嶕峩錯

崔

金山金門山也水經注云在灊池縣南石林大石山也一名萬安山在河南郡境薄云洛陽縣南大石山

中有雜樹木有祠名大石祠山高二百丈也殷音於謹反磴音五來反唯音徂回反嶠音隅曉音魚軌反並高

貌神泉側出丹水涅池怪石浮磬燿焜于其陂

爾雅曰

出穴出側出也丹水涅水在今鄧州怪石怪異好石似玉者浮磬若泗水中石可以爲磬也燿焜光也

其

土毛則摧牧薦草芳茹甘荼

毛草也左傳云楚芋尹無宇曰食土之毛誰非君臣

摧相傳音角摧牧未詳莊子曰麋鹿食薦一曰草藹曰薦茹菜也爾雅曰荼苦菜也詩曰莖荼如飴飴亦甘也

苾萁芸菹昌本深蒲

苾音紫萁音其爾雅曰紫月爾郭璞注曰卽紫萁也似蕨可食芸香

草也說文云似苜蓿菹音資云都反廣雅曰叢菹也其根似茅根可食昌本昌蒲根也深蒲謂蒲白生深水之中

芝蒨莖菹蘘荷芋渠

芝蒨草也禮記曰芝栴蓂檲蒨音而莖菜花紫葉可食而滑苽

音戶官反禮記曰苽苽粉榆鄭注云苽莖類也蘘荷苗似薑根色紅紫似芙蓉可食芋渠卽芋魁也一名蹲鴟

大葉其根亦可食也

桂荏鳧葵格菲菹于

爾雅曰蘇桂荏方言曰蘇亦荏也爾雅曰菲鳧

葵葉團似蓴生水中今俗名水葵爾雅曰荏山慈格與荏古字通菹音子閭反卽巴苴一名芭蕉于軒于也一

名菹生於水中渼

其植物則玄林包竹藩陵蔽京珍林嘉樹建

木叢生

玄猶幽也包叢生也爾雅曰大阜曰椿梧栝栢陵絕高曰京藩亦蔽也建木長木也

柜柳楓楊

並木名也柜音矩楊協韻音以征反

豐彤對蔚峯嶺慘爽

並林木貌

也對音徒對反峯音吟慘音所金反爽叶韻音生

翕習春風含津吐榮鋪于布

灑雝扈薶熒惡可殫形

鋪音敷灑音以揆反郭璞注爾雅云草木花初出爲笋與薶通

其字從唯本作從荏者誤也扈音戶薶音胡瓦反字從圭並花葉貌本作薶說文云薶黃花也廣雅曰好色也

熒光也惡何也音烏

至于陽月陰慝害作百草畢落林衡戒田焚

萊柞木

爾雅曰十月爲陽孫炎注曰純陰用事嫌於無陽故以名云左傳曰唯正月之朔慝未作杜注

云慙陰氣也害作言陰氣肅殺害於百草也周禮曰林衡掌巡林麓之禁令又曰牧師掌牧地凡田事贊焚萊除草也柞音土雅反邪斫木也然後舉天網頓八紘擎周禮柞氏掌攻草木及林麓

斂九藪之動物縵橐四野之飛征

擎聚也子由反周禮職方氏掌九藪揚州

具區荊州雲夢豫州圃田青州孟諸兗州大野雍州弦蒲幽州獫狁冀州楊紆并州昭余祁鄭玄注云澤無水日藪動物謂禽獸也縵音胡犬反又胡串反說文曰縵落也國語曰縵於山有罕賈逵注云縵還也橐囊也音託四野四方之野飛征飛走也鳩之乎茲囿之中山敦雲移羣鳴膠膠

鄙駮譟謹子野聽聳離朱目眩隸首策亂陳子籌昏

聚鳩

也敦音屯亦積聚也鄙駮獸奮迅貌也鄙音普美反駮音侯韓詩曰駮駮侯侯或羣或友眩亂也叶韻音玄隸首黃帝時善筭者也陳子陳平善於於時營圍厥廓圻

斥川谷罝羅繹彌綸阡澤臯牢陵山

罝音浮雄網也罝兔罟也羅羃

網也音力官反並見爾雅阮音苦庚反蒼頡篇曰阮壑也臯牢猶牢籠也孫卿子曰臯牢天下而制之若制子孫也諸本有作牢柵者非也校隊案部前後有屯甲乙相伍戊巳爲

堅

周禮司馬職曰前後有屯甲乙謂相次也伍伍長也戊巳居中爲中堅也

乘輿乃以吉月

之陽朔登于疏鑿之金路六驥駛之立龍建雄虹之旌

夏揭鳴鳶之修橦

陽朔十月朔也疏鑿謂彫鏤也周遷輿服雜記曰玉路重輅也金路玉路

形制如一六駕六馬也續漢志曰天子五路駕六馬驥駛馬名左傳云唐成公有兩驥駛馬周禮曰馬高八尺曰龍禮記曰孟冬乘立輅駕鐵驪今此亦順冬氣而乘立也郭璞注爾雅云虹雙出色鮮盛者爲雄左傳云舞師題以旌夏杜預注云旌夏大旌也揭舉也音渠列反禮記曰前有塵埃則載鳴鳶鳶鳴也音緣鳴則風動故畫之於旌旗以候埃塵也曳長庚之飛髻載日月之太

常棲招搖與立弋注枉矢於天狼

長庚卽太白星髻音所交反卽旌旗所垂

之羽毛也太常天子所建大旗也畫之日月周禮云日月爲常招搖立弋天狼並星名也枉矢妖星蛇行有尾目赤畫於旌旗也○劉攽曰案妖星可見尾目而已又言其赤非也赤當作亦上文大常畫日月故云亦畫也

羽毛紛其髣髴揚金髮而拖玉璫

髣髴羽旄飛揚貌也

救反蔡邕獨斷曰金髮者馬冠也高廣各四寸在馬鬣前髮音無犯反一音子公反璫馬帶以玉飾之音襄

屯田車於平原播同徒於高岡旃旒摻其如林錯五色

以摛光

詩小雅曰我車旣好又曰射夫旣同言徒衆齊同也旒亦旃也音古會反左傳曰旒動而鼓摻

音所金反與森字同○劉攽曰注我車旣好案我當作田清氛埃埽野場誓六師搜

雋良

野場謂除其草萊令得驅馳也左傳曰天子六軍雋良馬之善者

司徒勒卒司馬

平行車攻馬同教達戒通

周禮曰司徒若將有軍旅會同田役之戒則受法于司馬

以作其衆又曰司馬狩田以旌爲左右和之門前後有屯百步有司巡其前後鄭注云正其士之行列詩小雅

曰我車既攻我馬既同毛萇注云攻堅也同伐咎鼓撞

齊也戎事齊力尚強也田獵齊足尚疾也

華鍾獵徒縱赴榛叢

咎鼓大鼓也音公刀反

別驚分奔騷擾聿皇往來交舛紛紛回回南北東西

音墟

呼獲反並奔馳貌

風行雲轉匈磴隱匈黃塵勃滃闇若霧昏

音磴

苦蓋反匈音火宏反並聲也滃音鳥董反

日月爲之籠光列宿爲之翳昧

狡課才勁勇程氣

狡勇捷

狗馬角逐鷹鷂競驚驍騎

旁佐輕車橫厲相與陸梁聿皇于中原絹猥蹠鏃特肩

脰完羝搗介鮮散毛族梏羽羣

絹繫也與胃通工犬反猥蹠野馬也爾雅曰駟

蹄蹠善升馱猥音昆鏃猶撞也揚雄方言曰吳楚之間或謂矛爲鏃音楚江反韓詩齊風曰並驅從兩肩兮薛君傳曰獸三歲曰肩脰頸也謂中其頸也脰音豆完羝野羊也臣賢案字書作羝音戶官反與完通梏諸家並

古酷反案字書楷從手
卽古文攬字謂攬擾也

然後飛鋌電激流矢雨墜各指

所質不期俱殪竄伏扔輪發作梧韡

鋌矛也周禮曰王

質者鄭玄云質正也正音征扔音人證反聲類曰扔摧

也言爲輪所摧也梧支梧也音悟謂支著車也韡車軸

頭也音衛謂車

軸轉而殺之 殺父狂擊頭陷顱碎獸不得彖禽不得

瞥

殺亦父也音丁外反顱額也音盧彖走也

或夷由未

殊顛狽頓躓𧈧𧈧𧈧𧈧充衢塞隧葩華萍布不可勝計

夷由不行也楚詞曰君不行兮夷由未殊謂未死

若夫

驚獸殺蟲倨牙黔口大匈哨後緼巡歐紆負隅依阻莫

敢嬰禦

爾雅曰駮如馬倨牙食虎豹黔黑也周禮考工

記曰大匈燿後有力而不能走鄭玄注曰燿讀
日哨哨小也音稍緼巡並行貌也緼音於粉反孟
子曰有衆逐虎虎負隅莫之敢撓撓撓迫也禦扞也 乃使

鄭叔晉婦之徒睽孤刳刺裸程袒裼

鄭叔鄭莊公弟太叔段也詩鄭風曰

大叔于田乘乘馬禮裼暴虎獻于公所孟子曰晉人有焉婦者善搏虎攘臂下車衆皆悅之睽離也孤獨也謂

挺身刺獸刳亦刺也音苦圭反爾雅曰袒裼肉袒也孟子曰袒裼裸程於我側說文曰程裸也其字從衣冒

楸柘搓棘枳窮浚谷底幽嶰暴斥虎搏狂兕獄齧熊挾

封豨

爾雅曰楸山桑也音一染反搓斫也音仕雅反嶰謂山澗也蒼頡篇曰斥大也齧亦狂也音吉曳反

說文曰兕似野牛而青色挾音劫古字通封大也豨豬也虛起反或輕訛趨悍廋疏婁

領犯歷嵩巒陵喬松履修橐踔趨枝杪標端尾蒼雌猗

玄猿木產盡寓屬單

訛輕捷也音初稍反趨音丘昭反說文曰趨行輕貌廋疏猶搜索也

廋音所由反字林曰婁山巔也音力于反爾雅曰山大而高曰嵩山小而高銳曰巒橐音莫寒反踔跳也音勅

敎反趨音尋謂長枝也杪音亡小反標音必遙反並木末也雌音以藥反爾雅曰雌印鼻而長尾郭璞注曰似

獼猴而大黃黑色尾長數尺末有兩岐兩則自懸於樹以尾塞鼻零陵南康人呼之音餘建平人呼之音相贈遺之遺也又音余救反皆土俗輕重不同耳掎音居蠃反說文曰偏引一足也木產謂巢栖之類也寓屬謂穴居之屬也 罕罔合部督弋同曲類行並驅星布麗屬曹伍相

保各有分局

罕亦網也相如上林賦曰戴雲罕續漢志曰將軍有部部下曲骨魚網也音增弋

繳射也分音扶問反

增落飛流纖羅絡縠遊雉羣驚晨鳧輩作輩

然雲起雪爾雹落

增弋矢也落與礮同音補何反又補佐反說文曰以石著雉繳也絡縠張

羅貌也縠與幕通翬飛也音揮雪音素洽反廣雅曰雪雨也言鳥中繳如雨之落

爾乃蘋觀高

蹈改乘回轅沂恢方撫馮夷策句芒超荒忽出重陽厲

雲漢橫天潢

蘋遠也音名小反田獵旣罷故改乘回轅也左傳曰改乘轅而北之沂上也恢大也

馮夷河伯也句芒東方之神也荒忽幽遠也重陽天也雲漢天河也天潢星也 導鬼區徑神場